

59 graduan pascasiswazah, pensyarah UMS terima anugerah

UB 30.11.2018 B3

SERAMAI 59 graduan pasca siswazah termasuk pensyarah Universiti Malaysia Sabah (UMS) menerima enam anugerah yang mengiktiraf pencapaian serta sumbangan cemerlang terhadap penyelidikan serta penulisan tesis.

Enam anugerah itu adalah Anugerah Tesis Terbaik, Anugerah Pelajar Terbaik Secara Kerja Kursus Mengikut Program, Anugerah Aspirasi Pascasiswazah, Anugerah Penyelia Terbaik, Anugerah

Pelajar Cemerlang Secara Penyelidikan dan Anugerah Pelajar Cemerlang Kerja Kursus (Sains/Sastera).

Naib Canselor UMS Profesor Datuk Dr D Kamarudin D Mudin berkata, tanpa dedikasi, disiplin, komitmen dan kesungguhan tidak mungkin kejayaan itu dapat diperolehi.

“Pendek kata, pengajian di peringkat pascasiswazah ini seharusnya mampu mempertingkatkan kualiti para graduan.

“Pandangan dan idea mereka selepas ini



RASID (dua dari kiri) menyampaikan anugerah kepada Graduan dari Fakulti Kemanusiaan, Seni dan Warisan Dr Imelda Ann Achin sebagai Pelajar Cemerlang Secara Penyelidikan.



ARSI AH (dua dari kiri) menyampaikan Anugerah Aspirasi Pascasiswazah kepada graduan Doktor Falsafah Dr Rozita Buyoh (kiri) dari Pusat Penataran Ilmu Bahasa (PPIB).



PENSYARAH Fakulti Kemanusiaan, Seni dan Warisan Dr Humin Jusilin dianugerahkan sebagai Penyelia Terbaik.



GRADUAN dari Fakulti Sains dan Sumber Alam Mohd Norfadil Suardi menerima Anugerah Tesis Terbaik Ijazah Sarjana.

akan tampak berbeza hasil daripada ilmu dan pengalaman yang diperolehi daripada pengajian yang dilalui,” katanya semasa berucap di Majlis Anugerah Pascasiswazah (MAP) 2018, malam Rabu.

Tambah beliau, para graduan yang menjadi alumni mempunyai peranan penting dalam memastikan UMS terus relevan sebagai

pusat pengajian tinggi yang boleh memberi manfaat kepada kehidupan masyarakat sekitar dan seantero dunia.

“Sekecil-kecil peranan yang boleh dilakukan adalah dengan membawa imej baik UMS di mana jua anda bekerja atau berada.

“Tonjolkan ketajaman minda dan karisma kepimpinan yang selama

ini dicungkil dan digilap semasa mengikuti pengajian di UMS,” ujarnya.

Teks ucapan beliau disampaikan oleh Timbalan Naib Canselor (Akademik & Antarabangsa) Profesor Dr Rasid Mail.

Turut hadir, Dekan Pusat Pengajian Pascasiswazah UMS selaku Pengerusi MAP 2018, Profesor Dr Arsia h Bahron.